



Cé Mhic Liam chuig Bóthar Dhroichead Londan

Cúrsa Ghlasbhealach na Dothra BILEOG EOLAIS



WHAT'S IN THIS LEAFLET?

- 1 Forbhreathnú ar an Tionscadal
- 2 Buntáistí na Scéime
- 3 An gá atá leis an scéim
- 4 Príomhghnéithe
- 5 Cur isteach ar an Trácht
- 6 Conas Teagmháil a dhéanamh linn

1 FORBHREATHNÚ AR AN TIONSCADAL

Seachadfaidh Comhairle Cathrach Bhaile Átha Cliath an Líonra Taistil Gníomhaigh trí shraith tionscadal infreastruchtúir sna blianta amach romhainn. Fásfaidh an Líonra ón 10km atá ann cheana ina líonra nasctha 310km ar fud na cathrach. Cuirfidh sé seo roghanna taistil níos sábháilte, níos ionchuimsithí agus níos inbhuanaithe ar fáil.

Sainiúidh an limistéar ó Ché Mhic Liam chuig Bóthar Dhroichead Londan mar ionad oiriúnach le haghaidh bearta eatramhacha le hais chonair Ghlasbhealach na Dothra. Leis sin cuirfear 0.5km d'áiseanna siúil agus rothaíochta ar fáil ó Ché Mhic Liam chuig Bóthar Dhroichead Londan sula ndéanfar tionscadal Ghlasbhealach na Dothra. Nuair a chuirfear i gcrích é, seachadfaidh an tionscadal áiseanna siúil agus rothaíochta d'ardchaighdeán le hais na Dothra ón bhfarraige chuig na Sléibhte trí Chomhairle Cathrach Bhaile Átha Cliath, Comhairle Contae Dhún Laoghaire agus Rath an Dúin, agus Comhairle Contae Bhaile Átha Cliath Theas.

AMLÍNE



R1 2023

Dearadh
Imlíneach

R2 2023

Comhairliúchán
Poiblí

R3 /R4 2023

Pleanáil &
Dearadh Sonrach

R1 2024

Tógáil na
Scéime



2 CAD IAD NA BUNTÁISTÍ A BHAINNEANN LEIS AN SCÉIM?

- Áiseanna rothaíochta cosanta ar ardchaighdeán a chur ar fáil chun freastal ar gach aoisghrúpa agus ar gach cineál cumais le hais chonair na Dothra
- Stíl mhaireachtála níos gníomhaí a éascú le haghaidh gach aoisghrúpa agus buntáistí éagsúla ann le haghaidh folláine fhisiciúil agus mheabhrach
- Áiseanna níos fearr le haghaidh coisithe agus rothaithe a chur ar fáil ag acomhal Shráid an Droichid agus Cé Mhic Liam
- Cur le laghdú sna hastaíochtaí iompair i dtreoir le cuspóirí an Phlean Gníomhaithe ar son na hAeráide trí athrú córa iompair i dtreo taisteal gníomhach a spreagadh

3 CÉN GÁ ATÁ LEIS AN SCÉIM?


- Áiseanna siúil agus rothaíochta a fheabhsú le haghaidh pobail áitiúla agus athrú córa iompair i dtreo modhanna níos inbhuanaithe a éascú le haghaidh taimaistriú agus taisteal fóillíochta araon.
- Nasc a chur ar fáil le hais na Dothra sula ndéanfar tionscadal buan Ghlasbhealach na Dothra agus nasc a chur ar fáil le haghaidh scéimeanna rothaíochta agus iompair phoiblí amach anseo

4 PRÍOMHGHNÉITHE

Coimeádfar na cosáin atá ann cheana i gcaitheamh na scéime agus cuirfear áiseanna trasnaithe breise do choisithe agus do rothaithe isteach ag acomhal Ché Mhic Liam agus Sráid an Droichid. Cuirfear raon rothar déthreo nua ar fáil le hais na Dothra idir Sráid an Droichid agus Bóthar Dhroichead Londan agus cuirfear spás roinnte ar fáil in áiteanna a bhfuil leithead teoranta i gceist iontu, ar nós an teach caidél in aice le Bóthar Dhroichead Londan.


Cé Mhic Liam

Moltar acomhal le comharthaí ag acomhal Shráid an Droichid/Ché Mhic Liam le trasrian nua le haghaidh coisithe agus rothaithe trasna Sráid an Droichid agus Cé Mhic Liam. Cuirfear lána rothaíochta déthreo 3m leathan ar fáil ar thaobh thiar Ché Mhic Liam, a scarfaidh rothaithe ón trácht trí úsáid a bhaint as colbhaí scartha. Ní cuirfear isteach ar na cosáin nó ar na crainn atá ann cheana, déanfar athdháileadh ar an spás bóthair ar áiseanna rothaíochta tríd an bpáirceáil saor in aisce atá ann cheana ar thaobh na habhann a bhaint agus athlonnú a dhéanamh ar an stad tacsaithe atá ann cheana chuig taobh thoir Ché Mhic Liam.




Páirc na Dothra


Cuirfear raon rothar 3m leathan ar fáil le hais an spáis ghlais atá ann cheana lasmuigh de bhalla thiar Pháirc na Dothra. Ní bheidh tionchar aige seo ar an gcosán atá ann cheana le hais na Dothra. Cuirfear spás roinnte coisithe agus rothaithe ar fáil ag ionad a bhfuil leithead teoranta i gceist ann ag an teach caidél.



An Teach Caidéil chuig Bóthar Dhroichead London

Cuirfear sráid chiúin (meascán rothaithe agus feithiclí) ar fáil le hais na míre bóthair atá ann cheana a nascann Árasán an Tí Chaidéil le Bóthar Dhroichead London le marcanna bóthair. Roinnfidh rothaithe an carrbhealach atá ann cheana leis an trácht ar an tsráid seo a mbíonn leibhéal íseal tráchta uirthi. Ní chuirfear isteach ar na cosáin nó ar an bpáirceáil atá ann cheana ar an gcuid seo den bhóthar.





Scéim Mholta
ar Ché Mhic Liam

5 CUR ISTEACH BEAG AR AN TRÁCHT AGUS SUITEÁIL Á DÉANAMH

Meastar go gcuirfear tús le hoibreacha suiteála na scéime seo i dtús na bliana 2024. Chun an scéim seo a sheachadadh, beidh roinnt cur isteach beag ar an trácht sa cheantar. Déanfaidh Comhairle Cathrach Bhaile Átha Cliath, i gcomhar lenár gconraitheoir ár ndícheall é seo a íoslaghdú a oiread agus is féidir.

6 CONAS TEAGMHÁIL A DHÉANAMH LINN

Tá rannpháirtíocht an phobail á lorg againn maidir leis na moltaí scéime reatha. Más mian leat breathnú ar thuilleadh faisnéise nó aighneacht a dhéanamh chuig CCBÁC maidir leis an tionscadal seo, féach ar na roghanna thíos:



www.dublincity.ie/activetravel

(Dean scanadh orm)



activetraveloffice@dublincity.ie leis an ábhar: Cúrsa Ghlasbhealach na Dothra, Cúrsa Ghlasbhealach na Dothra, Cé Mhic Liam chuig Bóthar Dhroichead London



Comhairle Cathrach Bhaile Átha Cliath, Oifig Cláir um Thaisteal Gníomhach, Bloc 1, Urlár 6, Oifigí na Cathrach, an Ché Adhmaid, Baile Átha Cliath 8, D08 RF3F.



Oifig Cláir um Thaisteal Gníomhach: 01 222 2536

Tá fáil ar na líníochtaí deartha le breathnú orthu ag:

- Comhairle Cathrach Bhaile Átha Cliath, Bloc 1, Urlár 0, Oifigí na Cathrach, an Ché Adhmaid, Baile Átha Cliath 8, D08RF3F.
- Leabharlann na Rinne, Sráid Mhic Liam, Baile Átha Cliath 4, Co. Bhaile Átha Cliath, D04 Y970
- www.dublincity.ie/activetravel

LÁ EOLAIS PHOIBLÍ Reáchtálfar imeacht eolais maidir leis an tionscadal óna **4-7i.n. ar an 15ú Meitheamh** in Ionad Pobail Dhumhach Thrá, Ascaill an Droichid Nua, Dhumhach Thrá, Co. Bhaile Átha Cliath, D04 CP80

**CUIR DO
THUAIRIM
IN IÚL!**

